

---

**Bosna i Hercegovina**  
**Federacija Bosne i Hercegovine**  
**Tuzlanski kanton**  
**Općina Gračanica**



**Bosnia and Herzegovina**  
**Federation of Bosnia and Herzegovina**  
**Canton of Tuzla**  
**Gračanica Municipality**

---

**TELEFONI: Centrala: 035/700-800, 700-872**

**TELEFAX: 035/707-000**

---

## **Zapisnik**

sa 2. sjednice Lokalnog ekonomskog vijeća Gračanica

Sjednica je održana u četvrtak, 05.04.2018. godine sa početkom u 13:00 sati, u Multimedijalnoj sali Općine Gračanica.

### **I PRISUSTVO:**

Od pozvanih **26** članova LEV-a, sjednici je prisustvovalo **20** članova LEV-a, 2 predstavnika GIZ EU ProLocal programa.

### **Prisutni:**

**Članovi LEV-a (18):** Nusret Helić - načelnik Općine, Sead Terzić - Plastex d.o.o., Emir Čolo (u ime Faruka Širbegovića) – Širbegović Inženjering d.o.o., **Said Karalić** (u ime Saida Karalića) - Kovan MI d.o.o., Vahid Brkić - Trgovir d.o.o., Admir Avdagić (u ime Nermina Avdagića) - Radial d.o.o., Rasim Husić - ZZ Gračanka, Mujo Hasić - Variplast d.o.o., Kemal Hamzić - Klaus Lehman d.o.o., Fuad Alić - JP „Vodovod i kanalizacija“, Sead Gazibegović - JP „Elektrodistribucija“, Mirza Hodžić - Općina Gračanica, Senad Memić - JP „Komus“, Aida Hodžić - Općina Gračanica, Damir Ganić - JU Gimnazija „Dr. Mustafa Kamarić“ Gračanica, Nedžad Peljto - JU BKC Gračanica, Nihad Sinanović - Općina Gračanica, Sead Jahić - Udruženje poslodavaca Općine Gračanica, Sabina Đulić (u ime Hasana Omerovića) - Udruženje obrtnika Općine Gračanica, Abida Jahić - Udruženje poljoprivrednika Općine Gračanica.

**Predstavnici GIZ EU ProLocal programa:** Milenka Knežević, Milijana Zdravković Mihajlov, Danilo Prohaska

**Ostali:** Lejla Čolo - Općina Gračanica, Elvira Bašić - Općina Gračanica

**Opravdano odsutni članovi LEV-a (8):** Suad Helić - RPC Superfos d.o.o., Ramiz Grapkić - Jadrina d.o.o., Samir Ćurić - Plamingo d.o.o., Hasan Avdić - SAX d.o.o., Redžo Alihodžić - JU MSS Gračanica, Fernada Helić Čamdžić – Općina Gračanica.

Sjednicu vodi Općinski načelnik Nusret Helić, predsjednik LEV-a uz asistenciju predstavnice GIZ EU ProLocal programa g-đe Milijane Zdravković Mihajlov.

Budući da je nakon uvodne riječi zaključeno da postoji kvorum za rad, jednoglasno je usvojen slijedeći predloženi

DNEVNI RED:

1. Usvajanje zapisnika sa 1. sjednice LEV,
2. Poticaji za privredu Općine Gračanica,
3. Problem nedovoljne količine električne energije u poslovnoj zoni,
4. Tehnološko-inkubacioni centar „FERING“,
5. Pitanja, inicijative, prijedlozi, sugestije članova LEV-a.

**Ad 1:** Prilikom usvajanja zapisnika sa 1. sjednice LEV-a, na sugestiju g-dina **Seada Terzića**, g-din **Nusret Helić** je upoznao prisutne sa sadržajem zapisnika i načinom izbora rukovodstva LEV-a na 1. (konstitutivnoj) sjednici. Napomenuto je da članice/članovi LEV-a, koji nisu u mogućnosti da prisustvuju sjednicama, imaju mogućnost da pošalju osobu koja će prisustvovati kao zamjena uz ovlaštenje da prisustvuje i odlučuje na sjednici LEV-a u njeno/njegovo ime. Konstatovano je da je LEV jedno od najvažnijih tijela Općine koje je formirano zajedno sa spoljnim saradnicima. Zapisnik je jednoglasno usvojen.

**Učesnici u diskusiji po 1. tački dnevnog reda:** g-din Nusret Helić, g-din Sead Terzić, g-din Mirza Hodžić.

**Ad 2:** G-din **Mirza Hodžić** je upoznao prisutne sa javnom grant šemom poticaja privredi na području općine Gračanica u okviru MEG projekta okolišnog i ekonomskog upravljanja u kojem Općina Gračanica učestvuje. Kriterijumi u sklopu projekta su lanci vrijednosti i nova zapošljavanja. Predloženo je uz popunjeni obrazac da se zajednička sredstva UNDP-a i Općine Gračanica u iznosu od 80.000 KM, usmjere na kreiranje novih radnih mjesta kroz podršku zapošljavanja u poljoprivredi, metalnom, drvnom, sektoru informacionih tehnologija i računarstva, sektoru plastike, starih i tradicionalnih zanata, te uslužnim djelatnostima. Sredstva se mogu koristiti i za stalna sredstva i za nabavku repromaterijala kako je inicijalno planirano. Napomenuto je da će i u sklopu GIZ EU ProLocal projekta biti osmišljena podrška za start-upove.

G-din **Sead Terzić** je predložio da se uzimajući u obzir da je naš srednjoškolski centar veoma loše opremljen sa mašinama, alatima, napravi poveznica i da se formira model, po kojem će učenice/i imati uslove da se osposobe za tri godine, da bi u realnom sektoru bili korisni radnici. Treba da govorimo o kvalitetnim poticajima koji će generirati neki uspjeh. Veća korist od sredstava bi se postigla ne dajući novac za male obrtnike, već u navedenu ili slične ideje.

G-đa **Abida Jahić** je istakla da su za poljoprivednike ovo jako velika sredstva. Radom u skladu sa Strategijom lokalnog razvoja općine Gračanica, općina Gračanica prema zadnjim podacima Tuzlanskog kantona je u zadnje 3 godine imala cca 70 registrovanih obrta poljoprivredne proizvodnje. Vremenom će se ukinuti kompletna podrška prema obrtnicima u poljoprivrednoj proizvodnji na kantonalnom i federalnom nivou vlasti, kroz ovu strategiju Općina Gračanica treba da pomogne što većem broju poljoprivrednih proizvođača koji su na granici, da li da se registruju kao obrt, a neupitno ima takvih, tako da kada prestane novčana podrška za poljoprivrednu proizvodnju, na području općine Gračanica imamo osposobljen dovoljan broj poljoprivrednih proizvođača koji žele da ostanu poljoprivredni proizvođači, kojima je poljoprivreda osnovna djelatnost i nemaju dodatna primanja.

G-din **Sead Jahić** se složio sa g-dinom Terzićem u vezi stanja u školama. Već su pokrenuti sastanci privrednika općine Gračanica i predstavnika škole, odnosno aktiva iz određenih oblasti. Zbog velikog broja problema, predloženo je da se osmisli jedan projekat koji ima krajnji cilj, cjelovit program i dolazak stručnjaka iz privrede, davanje znanja, da privrednici dobiju te poželjne majstore, tehničare a i buduće inženjere, ekonomiste, koji nam trebaju. Nije bitno ni na kakvoj mašini radimo, već treba osmisliti kako profesionalno usmjeravati tu djecu, treba ih i stipendirati, pridobiti ih da ostanu tu, jer sve više odlaze iz države. Tako da mislim da je pomoć privrede važnija da se mi usmjerimo i formiramo kabinet tehnologija. Treba da vidimo kako da se kabineti bolje opreme. Dogovoreno je da se formira tim, koji će se sastojati od predstavnika privrede i predstavnika škole, da se osmisli taj projekat, uz molbu da sa povog nivoa podržimo taj projekat, svaki privrednik lično koji može podrži bilo sredstvima bilo nekom starom mašinom, starom opremom i bilo čime, jer toj našoj djeci nije lako obezbijediti praksu, ima tu drugih problema, povrede na radu i slično.

Uz konstataciju da je reformu obrazovanja potrebno sprovesti na višim nivoima vlasti, g-din **Mujo Hasić** predložio je da se ovaj mali iznos sredstava usmjeri na poticaje za obrte za mlade do 30 godina, zatim da treba voditi računa o osobama starijim od 50 godina, kojima je jako teško da se zaposle i ostvare dovoljan broj godina radnog staža čime se naglašava socijalna strana, kao i o poticaji tradicionalnih obrta, kojih ima nekoliko na području općine. Postoji mogućnost i da se firmama isplaćuju poticaji u visini poreza i doprinosa na platu.

Dva komentara g-dina **Donalda Prohaske** su da je potrebno kreirati politiku subvencija, uskladiti je sa strateškim planovima, uvezati sa postojećim poticajima, za originalne potrebe općine, a ne projektne; problem obrazovanja je problem cijele Bosne i Hercegovine a, pogotovo u Gračanici kao poduzetničkoj općini što treba iskoristiti i raditi sa drugim jednicama lokalne samouprave, a ima primjera sa kojima može saradivati i raditi na tome da se zajednički obrati višim nivoima vlasti, koje imaju ingerencije. Postoji mogućnost da se organizuje tematska sjednica na tu temu.

G-đa Milijana Zdravković je predložila da se formira tim da se projekat realizuje (sa predstavnicima Općine) da se napravi anketa, ispita mišljenje i na koji način pristupiti tom problemu

G-din **Nusret Helić** je predložio zaključak da se formira tim u narednih 15 dana, da se riješe ova dva problema se i pripremi za slijedeću sjednicu, u slijedećem sastavu (uz napomenu g-dina **Seada Jahića** da će ispred škole biti još najmanje 3 prijedloga članova tima):

1. Sead Jahić, Udruženje privrednika općine Gračanica
2. Nihad Sinanović, Općina Gračanica
3. Mirza Hodžić, Općina Gračanica
4. Abida Jahić, Udruženje poljoprivrednika, poljoprivrednih inženjera i tehničara

**Učesnici u diskusiji po 2. tački dnevnog reda:** g-din Nusret Helić, g-din Sead Terzić, g-din Mirza Hodžić, g-din Mujo Hasić, g-đa Abida Jahić, g-din Sead Jahić,.

**Ad 3:** Članice i članove LEV-a o toku rješavanja problema snabdijevanja industrijske zone električnom energijom informisao je g-din **Sead Gazibegović**. Dio problema u Industrijskoj zoni je riješen, ali će isti problem biti u novoj industrijskoj zoni u mjesnoj zajednici Stjepan Polje.

Na sastanku 09.03.2017. godine u Gračanici sa predstavnicima Elektroprivrede na čelu sa generalnim direktorom, čiji povod je bio problem snabdijevanja električnom energijom.

Razjašnjene su odgovornosti: Elektroprivreda BiH u glavnom dijelu (provođenje električne energije od trafostance do kupca) i Elektroprenos - državna kompanija u čijem je vlasništvu trafo stanica 110, kojeg bih ostavio po strani, ima prostora da se zovu i njihovi predstavnici.

Problem nije u kapacitetu trafostanice, koja ima dovoljan kapacitet od 50 MW (megavati tačnije MVA), a općina Gračanica ima opterećenje cca 21 MW, već u transportu energije trafo stanice 110 do radne zone.

Postaje kritično izvan grada te će postati kritična radna zona Stjepan Polje. Firma Trgovir je nabavila transformator 2 MW, a dalekovod koji ulazi može prenositi maksimalno 3 MW, a prošle godine smo imali problem da je ponestalo snage za radnu zonu.

Rješenje je bilo da se položi najmanje jedan kabl od rijeke Sokoluše kod stare trafostanice i da se postojeći vodovi rasterete. Dogovoreno da se krene u aktivnosti i da se završi do 15. jula, ali je završeno krajem prošle godine, obzirom na težinu radova i ljude koji su radili iz Sjedinjenih Američkih Država.

Položena su dva kabla prema radnoj zoni i jedan je početkom ove godine pušten pod napon i mi danas nema svakodnevnih ispada. Početkom januara je bilo iskakanja iz pogona postojećih vodova i onda je u funkciju pušten novi vod.

Urađen je prvi korak, a drugi korak koji čini 10-20 % posla nije urađen, a to je da se kablovi koji su došli do korita Sokoluše, produže do trafostanice tako da imamo dva visokonaponska kabla. Ostalo je oko 300 metara da se uradi, nisu ni tehnički i finansijski veliki zahvati, uvršteni su u naše planove, ali još nije započeto, između ostalog zbog imovinsko-pravnih odnosa. To bi moralo da se uradi do kraja godine, jer ćemo ući u problem u radnoj zoni jer to što smo uradili je već iskorišteno: RPC je uzeo veliki kapacitet od 22 MW do kraja godine, tu je novi objekat Belamionixa, firme HST CNC, pa bi moglo biti problema u toku ljeta, a slijedeće zime sasvim sigurno. U pitanju su kablovi za koje smo dobili upotrebnu dozvolu.

Prijedlog je da Općina Gračanica, Udruženje privrednika i LEV ponovo izvrše korektan pritisak na odgovorne u Elektroprivredi da se ubrza i posao dovede do kraja. Sredstva su odobrena, problemi nisu nerješivi. Ne mora na sastanku biti generalni direktor, ali može izvršni direktor za distribuciju.

Druga tema na sastanku treba da bude radna zona Stjepan Polje, gdje ćemo vrlo brzo imati problem, jer nećemo imati odgovor zahtjevima koji se pojave. I to u imamo u planovima u Elektroposlovnici i nema razloga da ne bude započet, samo treba izvršiti pritisak.

G-din **Nusret Helić** je predložio način na koji treba reagovati a to je da se formira delegacija za sastanak u Elektroprivredi održi sastanak i nakon toga utvrdi da li pozvati njihove predstavnike i napraviti ponovo zajednički sastanak u Gračanici.

Jednoglasno je usvojen predloženi sastav delegacije:

1. Nusret Helić, načelnik Općine
2. Sead Jahić, ispred Udruženja poslodavaca općine Gračanica
3. Osman Puškar, ministar privrede u Vladi TK
4. jedan privrednik iz LEV-a.

**Učesnici u diskusiji po 3. tački dnevnog reda:** g-din Nusret Helić, g-din Sead Gazibegović.

**Ad 4:** G-din Nusret Helić je iznio ideju formiranja Tehnološko-inkubacionog centra „FERING“. Zbog problema sa lokacijom održavanja Međunarodnog sajama poduzetništva i obrta GRAPOS-EXPO,

uspjela se obezbijediti nova privremena lokacija Feringa, sklopljen je ugovor sa njima, na staroj lokaciji Sajma je izgrađena nova hala firme HST CNC.

U prvoj fazi smo razmišljalo se dugoročno o kompletnoj lokaciji, da se rezerviše za namjene privrednih aktivnosti. Razgovarano je i sa Poreskom upravom, zbog toga što Fering duguje za poreze i doprinose, da Općina bude ta koja bi uzela imovinu i razriješila važno pitanje lokacije za privredne aktivnosti. Prva faza je završena, na osnovu do sada prikupljenih informacija o stanju iz Porezne uprave je proizašla informacija da postoji mogućnost direktne prodaje, Općina bi digla kredit ima i privrednih subjekata koji bi pružili podršku za završetak tih aktivnosti. Lokacija je veoma povoljna, velike površine od 18 duluma. Pokušat će se ideja sovesti do kraja, a dio radnika koji je ostao u Feringu bi riješio svoj status. Otvorena su pitanja imovisko-pravnih odnosa Feringa, te potraživanja radnika po osnovu plata. Jedna od mogućnosti je je i parcelizacija. Nažalost mi smo jedina od rijetkih općina koja nema u vlasništvu zemljišta, nismo bili u mogućnosti da riješimo problemna drugačiji način i ako uspijemo riješiti problem lokacije onda ćemo moći razmišljati i o daljim projektima na toj lokaciji.

Ličnu podršku ideji su dali g-din Mujo Hasić i g-din Sead Terzić, koji je istakao značaj činjenice da je Gračanica jedna od rijetkih sredina koja ima osnovu za organizaciju sajma.

G-din Sead Jahić je predložio da se iz naziva briše riječ tehnološki i da se zove Poslovni centar Fering. Fering je regionalni brend iz kojeg je proisteklo najmanje 29 uspješnih kompanija i ima dobru infrastrukturu. Potrebno je osmisliti dobar privredni projekat, osmisliti ga i urbanistički, po Zakonu o Javno-privatnom partnerstvu TK, pa da u konačnici dobijemo multifunkcionalni objekat: privredni, edukacioni centar, sajam, salu za sastanke, možda šalter iz Općine.

g-din Mirza Hodžić je naglasio da donatori koji doniraju sredstva u BiH, značajna sredstva planiraju usmjeriti u loaklni ekonomski razvoj, pa možemo spremi tim. Kada budemo u toj fazi, može se formirati tim koji bi doprinosa izradi projekta.

Učesnici u diskusiji po 4. tački dnevnog reda: g-din Nusret Helić, g-din Sead Terzić, g-din Mujo Hasić, g-din Mirza Hodžić.

**Ad 5:** Povezujući se sa prvom tačkom dnevnog reda, g-đa Milijana Zdravković je pozvala prisutne da iznesu svoje inicijative, prijedloge i sugestije. G-din Sead Jahić je informisao prisutne o postojećim lancima vrijednosti te istakao da su firma Trgovir i grupacija formirali lanac vrijednosti, bave se proizvodnjom u oblasti žice, zbog čega je poslovanje uspješno. Isti slučaj je u oblasti plastike, Hifa grupacija ima šansu da bude regionalni dobavljač. To je druga priča o lancu vrijednosti koji bi pomogao svima u oblasti plastike. Firma RPC Superfos Balkan ima lanac vrijednosti, ali je lanac vrijednosti u Engleskoj, tu pitanju je klaster. Ispred Udruženja poslodavaca i samostalnih privrednika se ponovo ističe kabinet tehnologija u srednjoškolskom centru.

Na sugestiju g-đe Milijane Zdravković da se diskutuje o temi kandidovanoj na prošloj sjednici, a to je gradski prevoz, g-din Nusret Helić je rekao da predstavnici lokalne zajednice kontinuirano ističu potrebu da se formiraju gradske linije sa stanovišta ekologije i zaštite zraka, može biti tema jedne od narednih sjednica.

G-din Sead Terzić je naglasio da se traže ciljani prijedlozi od strane UNDP-a kao finansijera projekta, i da ih mi na području općine Gračanica imamo mnogo.

Naglašeno je od strane g-dina Mirz Hodžića, da je prije izrade dokumentacije za MEG projekat, rađena Analiza lanca vrijednosti na osnovu Strategije lokalnog razvoja općine Gračanica, podataka dobijenih iz

posjeta firmama i statistike Općine. EU izbjegava sektor projekta plastike. Ako u okviru MEG projekta naš prijedlog projekta ne bude prihvaćen, Općina Gračanica može odustati od projekta i usmjeriti iznos od 40.000 KM na ovaj projekat.

Uloga predstavnika GIZ EU ProLocal programa, napomenula je g-đa Milenka Knežević, je da se utvrdi koje još inicijative postoje koje se trebaju razmatrati, da li prijedlozi sa prethodne sjednice i da li postoji nešto novo što bi danas predložili, ne da se vraćamo na temu prve tačke dnevnog reda.

Po mišljenju g-dina Kemala Hamzića tema prve tačke dnevnog reda je sasvim jasna, novac je usmjeren za male obrtnike, one kojima je pitanje opstanka i mislim da ne treba da se miješaju projekti.

G-din Rasim Husić je iznio da je u toku IPARD projekat koji predstavlja javno privatno partnerstvo, predviđeni su i klaster. Projekat je odličan, u klasteru će biti lider onaj koji podnosi projekat, a podrška Općine koju sada imamo je ključna. Tu male proizvođače i firme uključujemo u lanac vrijednosti. Po prvi puta, zadruge podnose zahtjeve i ako se zahtjev podnosi kooperativno, gratis sredstva su 70 % a ako privatna kompanija podnosi 20 %.

U naredna dva mjeseca će se održati sjednica LEV-a, trebamo obezbijediti da budemo prisutni u punom sastavu jer donosimo važne odluke.

**Učesnici u diskusiji po 5. tački dnevnog reda:** g-din Nusret Helić, g-din Sead Terzić, g-đa Milenka Knežević, g-din Kemal Hamzić, g-din Rasim Husić, g-din Mirza Hodžić.

Sjednica je završena u 15:00 časova.

Gračanica, 06.04.2018. godine

Zapisničarka

Predsjednik LEV-a

---

Lejla Čolo

---

Nusret Helić, Općinski načelnik